

**Кәмелетке толмағандарды арнаулы білім беру ұйымдары мен ерекше режимде ұстайтын білім беру ұйымдарында бағып-күтуге және оқытуға кедергі болатын аурулардың тізбесін бекіту туралы**

### *Күшін жойған*

Қазақстан Республикасы Үкіметінің 2005 жылғы 13 маусымдағы N 592 Қаулысы.  
Күші жойылды - Қазақстан Республикасы Үкіметінің 2022 жылғы 16 наурыздағы № 129 қаулысымен

**Ескерту. Күші жойылды - ҚР Үкіметінің 16.03.2022 № 129 қаулысымен.**

"Кәмелетке толмағандар арасындағы құқық бұзушылықтардың профилактикасы мен балалардың қадағалаусыз және панасыз қалуының алдын алу туралы" Қазақстан Республикасының 2004 жылғы 9 шілдедегі Заңын іске асыру мақсатында Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған кәмелетке толмағандарды арнаулы білім беру ұйымдары мен ерекше режимде ұстайтын білім беру ұйымдарында бағып-күтуге және оқытуға кедергі болатын аурулардың тізбесі бекітілсін.

2. Осы қаулы ресми жарияланғаннан кейін он күнтізбелік күн өткен соң қолданысқа енгізіледі.

Қазақстан Республикасының  
Премьер-Министрі

Қазақстан Республикасы  
Үкіметінің  
2005 жылғы 13 маусымдағы  
N 592 қаулысымен  
бекітілген

**Кәмелетке толмағандарды арнаулы білім беру ұйымдары мен ерекше режимде ұстайтын білім беру ұйымдарында бағып-күтуге және оқытуға кедергі болатын аурулардың тізбесі**

Арнаулы білім беру ұйымдары мен ерекше режимде ұстайтын білім беру ұйымдарына мынадай аурулары бар (Аурулар мен денсаулыққа байланысты проблемалардың халықаралық статистикалық жіктемесіне сәйкес. 10-қайта қарау ) кәмелетке толмағандар орналастырылмайды:

1. I класс. Кейбір жұқпалы және паразитарлық аурулар:
  - 1) A15 - A19 Туберкулез (белсенді туберкулездің кез келген нысаны);
  - 2) A30 Алапес;

3) A50 - A53 Мерез (белсенді нысаны);  
4) B20 - B24 Адамның қорғаныш тапшылығының қоздырғышы (АҚТҚ)  
тудыратын ауру.

2. II класс. Жаңа өспелер:

C00 - C97 Кез келген орындағы қатерлі жаңа өспелер, оның ішінде лимфалық, қан өндіру және оларға ұқсас тіндердің қатерлі жаңа өспелер.

3. III класс. Қан, қан өндіру органдарының аурулары және иммундық тетікті қатыстыратын жекелеген бұзылулар:

1) D55 - D58 Гемолитикалық анемиялар - тұқым қуалайтын және жүре пайда болатын (ауыр нысаны);

2) D60 - D61 Апластикалық анемиялар;

3) D65 - D69 Қан ұйығыштығының, пурпурдың бұзылуы және басқа да геморрагиялық жағдайлар (ауыр нысандары).

4. IV класс. Эндокриндік жүйе, тамақтанудың бұзылуы және зат алмасудың бұзылуы аурулары:

1) E05 Тиреотоксикоз (ауыр нысаны);

2) E03, E06 Туа біткен немесе жүре пайда болған гипотиреоз (ауыр нысаны);

3) E10 1 үлгідегі қант диабеті (асқынған);

4) E20 Гипопаратиреоз (ауыр нысаны);

5) E22 Гипофиздің гиперфункциясы (ауыр нысаны);

6) E23 Гипопитуитаризм, церебральды-гипофизарлық ергежейлілік;

7) E23.2 Қантсыз диабет (ауыр нысаны);

8) E24 Иценко-Кушинг синдромы;

9) E27 Созылмалы гипокортицизм;

10) E75.2 Лейкодистрофия;

11) E84 Кистозды фиброз (муковисцидоз).

5. V класс. 8 Психикалық және мінез-құлық бұзылулары:

1) F01, F02.1-F02.8, F03-F05, F06.0-F06.05, F07.1-F07.9, F09 Симптоматикалық, психикалық бұзылуларды қоса алғанда, органикалық бұзылулар;

2) F1x.0-F1x1, F1x.22-24, F1x.5-F1x.9 Психикалық белсенді заттарды пайдалану салдарынан болатын психикалық және мінез-құлық бұзылулары;

3) F20 - F29 Шизофрения, шизотиптік және сандырақтау бұзылулары;

4) F30 - F33, F38 - F39 Көңіл-күйдің аффектілі бұзылулары;

5) F40 - F44 Күйзелуге байланысты невротикалық және соматикалық нысанды бұзылулар;

6) F70.1 - F70.8, F71 - F79 Ақыл-ой кемістігі;

7) F84 Психологиялық дамудың бұзылуы.

6. VI класс. Жүйке жүйесінің аурулары:

1) G10 - G13 Негізінен орталық жүйке жүйесін зақымдайтын жүйелік атрофиялар (ауыр нысандары);

2) G25.3, G 25.5 Экстрапирамидалық бұзылулар;

3) G20.6 Таралған тартылулар (Жиль де ля Туретта);

4) G30-G32 Орталық жүйке жүйесінің басқа да кері дамыған аурулары;

5) G35-G37 Орталық жүйке жүйесінің миелинсіздендіру аурулары;

6) G40.3-G40.9 Эпилепсия;

7) G41 Эпилепсиялық мәртебе;

8) G60.0 - G60.3 Тұқым қуалайтын қимылдық және сезімдік невропатия;

9) G63 Басқа айдарларда жіктелетін аурулар кезіндегі полиневропатия;

10) G70.0 - G70.2 Таралған нысандағы миастения;

11) G70 - G71.9 Даму үстіндегі бұлшық ет дистрофиясы;

12) G91.1 Окклюздік, қалпына келмейтін суми;

13) G80.0-G80.9 Балалардың церебральды сал ауруы.

7. VII класс. Көз және оның қосымша аппаратының аурулары:

1) H40 - H42 Глаукома;

2) H54.0, H54.3, H54,7 Соқырлық;

3) H54.1 Бір көздің соқырлығы, екінші көздің нашар көруі;

4) H54.7 Нақтыланбаған көрмей қалу.

8. VIII класс. Құлақтың және емізік тәрізді өсіндінің аурулары:

1) H81.0 Вестибулярлық функцияның бұзылуы;

2) H90.3 Естуді екі жақты нейросенсорлы жоғалту (ауыр дәрежедегі).

9. IX класс. Қан айналымы жүйесінің аурулары:

1) I08.3 Митральды, қолқа және үш қақпақшалы клапандардың үйлескен (ревматизмдік) зақымдануы;

2) I13.2 Жүрек және бүйрек функциясының жеткіліксіздігімен негізінен жүрек пен бүйректің зақымдануы бар гипертониялық ауру;

3) I42.0-I42.1 Кеңіген гипертрофиялық және обструктивтік кардиомиопатия;

4) I44.2 Жүрекше-қарыншалық толық бөгеу;

5) I47.1 Синкопальды жағдайдағы ұстамалы қарыншаүсті тахикардиясы;

6) I48, I49.0, I49.5 Жүрекше, қарынша бұлшық еттерінің фибрилляциясы мен лүпілдеуі, синустық түйіншектің әлсіздік синдромы (предсинкопальды немесе синкопальды жағдайлар болған жағдайда).

10. X класс. Тыныс алу мүшелерінің аурулары:

1) J45 Гормондық тәуелді демікпе;

2) J47 Бронхоэктатикалық ауру.

11. XI класс. Ас қорыту мүшелерінің аурулары:

K74 Бауыр фиброзы мен циррозы.

12. XIII класс. Сүйек-бұлшық ет жүйесі мен қосқыш тіндер аурулары:

- 1) M08 Жасөспірімдер (жеткіншектер) артриті (ауыр ағым);
- 2) M32 Жүйелік қызыл жегі;
- 3) M33 Дерматополимиозит (ауыр ағым);
- 4) M34 Таралған жүйелік беріш (терінің катаюы), даму үстіндегі нысан;
- 5) M30.0 Түйіншекті периартериит;
- 6) M31.3 Вегенер гранулематозы.

13. XIV класс. Несеп-жыныс жүйесінің аурулары:

- 1) N03 Созылмалы нефриттік синдром;
- 2) N04 Нефротикалық синдром;
- 3) N18 Созылмалы бүйрек функциясының жеткіліксіздігі.

14. XV класс. Жүктілік, босану және босанғаннан кейінгі кезең: O00-O99.

15. XVII класс. Туа біткен ауытқулар (даму кемістіктері), қисаю және хромосомдық бұзылу:

- 1) Q15.0 Туа біткен глаукома;
- 2) Q20.0, Q20.3, Q20.4, Q21.0-Q21.3, Q22.1, Q22.4-Q22.6, Q23.0-Q23.4, Q24.3-Q24.5, Q25.1-Q25.7, Q26.2, Q26.3, Q27.8 Қан айналымының II-A дәрежелі жеткіліксіздігімен ілесе жүретін, оның ішінде кемістікті түзеткеннен кейін, қан айналымы жүйесінің туа біткен ауытқулары (даму кемістіктері);
- 3) Q56 Жынысының белгісіздігі және псевдогермафродитизм;
- 4) Q78.0 Аяқталмаған остеогенез.

16. XVIII класс. Басқа айдарларда жіктелмеген, клиникалық және зертханалық зерттеулер кезінде анықталған симптомдар, белгілер мен нормадан ауытқулар:

R15 Зәрді ұстай алмауымен (энурез) бірге нәжісті ұстай алмау (энкопрез).

17. XIX класс. Жарақаттар, уланулар мен сыртқы себептер әсерлерінің кейбір басқа да салдарлары:

T90 - T98 Науқасқа жеке күтім жасауды талап ететін жарақаттардың, уланулардың және сыртқы себептердің басқа да әсерлерінің салдарлары.